

ناذر هالروح لك يا مذبح كل عمري نوح يا ابن الزهراء

لو لا حبك ابقابني  
انت الماخذ احساسني  
ما غيرك سكن روحي  
كل زفره من انفاسني  
وكل نبرة شجن تسري  
يدوي بسمعي من صغري  
نبضي ما أريدنه  
وبيك اتنفس الجنه  
وتشهد دمعته الوجنه  
ماتم غارق بحزنه  
منبر يحضن الونه  
(يحسين بضمايرنه)

والله وعيناك يحسين اهواك عمري يفداك يا ابن الزهراء

راضع حبك بمهدي  
دمعه أمني تسقيني  
واتحرزني بإسمك  
تهمس بأذني يوليدي  
ردتك تلبس اعصابه  
تلبس ثوبك الأسود  
الله ويهاهي حنيه  
لمن تقرى نوحيه  
واتسمعني لطميه  
بس من تكبر شوويه  
وتوفي نذر اعليه  
وتخدم بالحسينيه

قبّل لعتاب وامسح كل باب صيح بلمصاب يا ابن الزهراء

وَأَنَا بَصْغَرِي يَامُولَاي  
أَحْسَبُ خَطُوتِي بِنَبْضِي  
وَأَنْفَاسِي أَمِي تَتْبَعُنِي  
تَهْمَسُ لِي يَارُوحِي  
نَكْسُ رَأْسِكَ أَدْعِي لِي  
كُونَ بِأَرْبَعَيْنِهِ أَنْزُورُ

جَيْتُكَ رَافِعَ الرَّايِ  
وَدَمْعَةُ عَيْنِي أَمْرَايِ  
وِظْلُهَُا يَمْشِي أَوِيَايِ  
بَسْ مَنْ تَسْمَعُ قَرَايِ  
وَأَجْعَلْ كَرْبَلَهُ الْغَايِ  
وَنَقْصِدْ قَبْرَهُ مَشَايِ

بِخَاطِرِ مَلْهُوبٍ      نَقَطُوعِ لَدْرُوبٍ      وَدَمْعِ الْمَصْجُوبِ      يَا ابْنَ الزَّهْرَاءِ

حَامِلُ هَالُوصَايَا أَوِيَايِ  
كَلِمَاتِي تَمْضِي أَسْنِينِي  
أَسْمُكَ يَا بَعْدَ عَيْنِي  
جَدْمُكَ لَا تَزِلْ بِيَوْمِ  
خَلَّ كُلُّ الْبَشَرِ تَدْرِي  
نَتْنَهُ يَا لَوْلَدٍ مَنْذُورِ

طِيفَ وَيَضُّوِي بِالْعَتَمَةِ  
يَلْفِينِي الصَّدَى: يُمُّهُ  
ثَبَّتَهُ بِدَفْتَرِ الْخَدْمَةِ  
وَحَلَّ أَسْمُكَ يَضُمُّ أَسْمَهُ  
نَهَجَكَ شَنْهُوَ وَتَفْهَمَهُ  
خَادِمُ بَسْ أَبُو الْيَمَةِ

تَهْدِي لَهُ الْعَيْنُ      خَادِمُ لِحْسِينِ      تَبْجِي بِوَنِينِ      يَا ابْنَ الزَّهْرَاءِ

توضّئى وادخل الماتم  
راسك لاترفعنّه  
إخشع چنك تصلي  
وتذكر جسد دامى  
راسه اعلى الراح واقف  
عين تصد خدر محروق

بينى استشعر الرهبه  
ودمعك بالشجى صبه  
وچنها اقبالك الكعبه  
چف الغادر تسلبه  
شبيه أدمومه تخضبه  
وعين لطفله منسلبه

يّمّه الأحباب صرعى بلتراب نُوح بلمصاب يا ابن الزهراء

بينى ومن يحل موتى  
خلّ ابجفى التربه  
غسلاني بدمع عينك  
جدد ماتم المظلوم  
لبن فايز اريد ابيات  
وبثوب العزيره يكون

ويرحل للفنا عمري  
وامسح راسي وصدري  
لمن وتتك تجري  
انس وحشتي بقبري  
وأبو يوسف الجمري  
ألقى الزهره في حشري

جرّ الونات ويّ الأبيات واصرخ صرخات يا ابن الزهراء